

ժամանակակից գիտության բոլոր կարևորագույն ուղղություններում, ամեն կերպ նպաստում տեխնիկական առաջընթացի արագացմանը: Մի շարք հիմնական գիտական ուղղություններում սովետական գիտությունը առաջատար դիրք է զբաղում աշխարհում, որը բույլ է տալիս լուծել երկրի էկոնոմիկայի զարգացման և պաշտպանունակության կարևոր խնդիրները:

Անդրադառնալով Հայաստանի գիտնականների զործունեությանը զեկուցողը նշեց այն մեծ հաջողությունները, որոնք ձեռք են բերվել աստղագիտության, ֆիզիոլոգիայի, բժշկության, երկրաբանության, կենսաբանության և հասարակական գիտությունների բնագավառներում:

Վերջում Ա. Մ. Պրոխորովը վստահություն հայտնեց, որ ՍՍՀՄ գիտությունների ակադեմիայի և միութենական հանրապետությունների գիտությունների ակադեմիաների հետ հույ գիտնականների ամրապնդվող ստեղծագործական բարեկամությունը կօգնի լուծելու արդի գիտության բարդ պրոբլեմները և արժանի ավանդ ներդնելու կոմունիզմի նշուրատեխնիկայուն բազայի գիտական հիմքի ստեղծման գործում:

Նիստին ներկա էին ՀԿԿ Կենտկոմի, ՀՍՍՀ կառավարության ղեկավար աշխատողներ, ՍՍՀՄ գիտությունների ակադեմիայի պատվիրակության անդամները:

Հ. ՀԱՐՈՅԹՅՈՒՆՅԱՆ

ԳՈՒՐԳԵՆ ՍԵՎԱԿ

(Ծննդյան 70-ամյակի առթիվ)

Լրացավ Հայկական ՍՍՀ ԳԱ իսկական անդամ, բանասիրական գիտությունների դոկտոր, պրոֆեսոր, Հայկական ՍՍՀ գիտության վաստակավոր գործիչ Գուրգեն Գրիգորի Սևակի ծննդյան 70 և գիտական-դասախոսական գործունեության 45 տարին:

Գուրգեն Սևակը ծնվել է 1904 թ. Թբիլիսիում, այնտեղ էլ սովորել և ավարտել է Ներսիսյան դպրոցը: 1924 թ. ընդունվել և 1928 թ. ավարտել է Երևանի պետական համալսարանը: 1930 թ., երբ նա երկրորդ տարվա ասպիրանտ էր, սկսվում է նրա դասախոսական գործունեությունը, որ շարունակվում է մինչև օրս: 1937 թ. Գ. Սևակը ստացել է դոցենտի կոչում, 1940 թ. դիսերտացիայի պաշտպանությամբ՝ բանասիրական գիտությունների թեկնածուի աստիճան, իսկ 1948 թ.՝ դոկտորի աստիճան, ապա և պրոֆեսորի կոչում:

Պրոֆ. Գ. Սևակը սովետահայ լեզվաբանության նշանավոր դեմքերից է: Բազմազան ու ընդարձակ է եղել նրա գիտական հետազոտությունների բնագավառը: Նա զբաղվել է ժամանակակից հայերենի տեսության, պատմության, ռեպրոդուկցիայի, տեքստիլիտության, ուղղագրության և ուղղախոսության հարցերով:

Գ. Սևակի ուսումնասիրությունները մեծ մասամբ տեսական բնույթ ունեն: Նրա առաջին լուրջ աշխատանքը, որ լույս տեսավ 1934 թ. «Լեհեր և դիալեկտիկական օրինաչափություններ լեզվի մեջ» խորագրով ընդարձակ հոդվածն է, որտեղ հեղինակը լեզվական փա-

տերն ու երևույթները բնում ու բնութագրում է մարքս-լենինյան արտացոլման տեսությամբ լույսի տակ:

1939 թ. լույս է տեսնում պրոֆ. Սևակի մի այլ ծավալուն հոդվածը՝ «Խոսքի մասերի ուսումնիր»², որտեղ բնագիտական խոսքի մասերի դասակարգման տարածված կարծիքները՝ ընդունում է այն սկզբունքը, ըստ որի խոսքի մասերի դասակարգման հիմքում պիտի դրվի բաների լեզվա-իմացաբանական ընդհանուր իմաստը:

1939—1947 թթ. առանձին մասերով լույս է տեսել Գ. Սևակի «Ժամանակակից հայոց լեզվի տեսություն» ուսումնասիրությունը, որը ժամանակակից արևելահայ գրական աշխարհարարի ուսումնասիրության բնագավառում մի նոր փորձ էր Մ. Արեղյանի «Հայոց լեզվի տեսություն» հիմնարար աշխատությունից հետո: Գ. Սևակն այս գրքում բնութագրում է արևելահայ գրական աշխարհարար, նրա հասարակական կշիռը, խոսքի մասերը, հանգամանքներն ներկայացնում արդի հայերենի գոյականացումը, բայը, հոլովման ու խոնարհման համակարգը:

Պրոֆ. Գ. Սևակը Մատի դրույթները անհնադատ ընդունողներից չի եղել: Տակավիճ 1930—1952 թթ. նա բնագիտական է Մատի որոշ դրույթներ, իսկ 1955 թ. իր «Տեսության» վերամշակված հրատարակությունում, որ կրում էր «Ժամանակակից հայոց լեզվի դասընթաց» վերնագիրը, Սևակը սուր բնագիտության է Լեքարկում լեզվի բնութագրի, նրա ծագման ու զար-

¹ Մարքսիզմ-լենինիզմի ինստիտուտի «Տեղեկագիր», 1934, № 1:

² Երևանի Համալսարանի «Գիտական աշխատություններ», հատ. 11, 1939:

զագման վերաբերյալ Մառի ուսմունքը: Հեղինակն այս գրքում առաջ է փառում տեսական մի շարք արմատական հարցեր, ինչպիսիք են լեզվի և մտածողության փոխհարաբերության, լեզվի անհատական և հասարակական բնույթի, նրա ազգային էության, գրական լեզվի, բարբառների ու գրականության լեզվի փոխհարաբերության, արևելահայերենի հասարակական կշռի, ավանդականության և ավանդախախտման միջոցով լեզվի զարգացման, արևելահայերենի հնչույթային և բառային համակարգի ու ձևաբանության հարցերը, և տալիս դրանց գիտական լուծումը: Այս աշխատության շատ գրույթներ բռնեցին ժամանակի բնությունը: «Ժամանակակից հայոց լեզվի դասընթացը» ցայսօր ծառայում է իբրև բարձրագույն դպրոցների դասագիրք:

1948 թ. լույս է տեսնում հորելյարի «Ժամանակակից հայերենի համառոտ պատմություն» աշխատությունը, որ նրա զոկտորական գիտերտացիան էր:


1949 թ. պրոֆեսոր Սևակը հանդես է գալիս տեսական մի նոր հոդվածով՝ «Շարահյուսության մի խնդիր հարցեր մարմն-լեզվային իմացարանական լույսի տակ»³, որտեղ բնեում է լեզվի և մտածողության դիալեկտիկական միասնության, ենթակայի և ստորոգյալի փոխհարաբերության հարցերը:

Հայագետի ուղարկությունից չեն վրիպել նաև ռեալիստության հարցերը: Սովետահայ ռեալիստության սկիզբը պիտի համարել Հ. Քումանյանի լեզվի ժողովրդայնության բնությունը, որ գետեղված է նրա «Ժամանակակից հայերենի համառոտ պատմություն» գրքում (1948 թ.)։ Մեան 1954 թ. հետևեց հեղինակի մի այլ հոդվածը՝ «Նաիրի Զաբյանի «Արա Գեղեցիկ» ռոբերգությունը»⁴, որի երկրորդ մասում տրված է ռոբերգության բառապաշարի, պատկերաձորման միջոցների համառոտ, բայց հմուտ բնությունը: Գ. Սևակը երկար տարիներ հանրապետության բուհերում կարդացել է հայ ռեալիստության դասընթացը:

Մեծ է հորելյարի ծառայությունը հայոց լեզվի ուսուցման բնագավառում: Նրա «Հայոց լեզվի շարահյուսություն» դասագիրքը շուրջ ֆառասուն տարի է, ինչ ծառայում է մայրենի լեզվի ուսուցման շնորհակալ գործին:

Նշանակալից է գիտնականի գործունեությունը ժամանակակից արևելահայ գրական լեզվի մա-

րության, տերմինաշինության, ուղղագրության և ուղղախոսության բնագավառում: Հայտնի են նրա հոդվածներն ու գեկուցումները՝ քառերենում, պարբերականներում, ռադիոյի նաղու-



դումներում տեղ գտած լեզվական խեղաքուրումների ու սխալների դեմ:

Արժեքավոր են պրոֆ. Սևակի ուսումնասիրությունները հայ գրերի ստեղծման, Մեսրոպ Մաշտոցի մասին («Մեսրոպ Մաշտոց», 1962 թ.):

Պրոֆ. Գ. Սևակը գործուն մասնակցություն է ունեցել նաև մեր հասարակական-ֆաղաֆակայանին, ուսումնա-դաստիարակչական աշխատանքների կազմակերպմանը: 1932—1939 թթ. նա ղեկավարել է Հայաստանի մարմիզմ-լեզվի ինստիտուտի լեզվի սեկտորը: 1941—1969 թթ. ղխավորել է համալսարանի հայոց լեզվի ամբիոնի աշխատանքները, երկար ժամանակ եղել է Անաոյանի անվան լեզվի ինստիտուտի ժամանակակից հայոց լեզվի սեկտորի վարիչ:

Անուրանալի է պրոֆ. Սևակի դերը հայագիտական կադրերի պատրաստման գործում: Նրա ասպիրանտներն այսօր բանասիրական գիտությունների բեկնածուներ են, դոկտորներ ու պրոֆեսորներ:

Անվանի գիտնականին ու վաստակավոր դասախոսին ցանկանեմ ֆառաղջություն և գիտական ու դասախոսական հետագա արգասավոր կյանքի երկար տարիներ:

Ս. ԳՅՈՒԼԲՈՒԿԱՂՅԱՆ

3 Ն. Յա. Մառի անվան լեզվի ինստիտուտի «Աշխատությունների ժողովածու», 1949, հատ. 4:

4 Համալսարանի «Գիտական աշխատություններ», 1954, № 42